

PM ucap tahniah ulang tahun keputeraan Agong

Julai 30, 2022 @ 9:06pm



(Gambar fail) FOTO BERNAMA

KUALA LUMPUR: Perdana Menteri, Datuk Seri Ismail Sabri Yaakob, merafak sembah ucapan tahniah kepada Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah, sempena Sambutan Hari Ulang Tahun Keputeraan Seri Paduka yang ke-63, hari ini.

Ismail Sabri menzahirkan ucapan itu kepada Al-Sultan Abdullah menerusi akaun Facebook rasmi beliau.

"Merafak sembah dan setinggi-tinggi tahniah kepada Kebawah Duli Yang Maha Mulia Al-Sultan Abdullah Ri'ayatuddin Al-Mustafa Billah Shah Ibni Al-Marhum Sultan Haji Ahmad Shah Al-Musta'in Billah, Sultan dan Raja Pemerintah Negeri Pahang Darul Makmur serta segala jajahan takluknya, sempena Sambutan Hari Ulang Tahun Keputeraan yang ke-63 pada 30 Julai 2022.

"Semoga Allah SWT melanjutkan usia dan memberkati pemerintahan Tuanku. Daulat Tuanku," katanya. – BERNAMA